

Ukanikorongi u Yahuza

Ukukpa u kadyanshi

Yahuza da korongi ukanikorongi u na vi. Vangu u Yesu da. Ili i'ya tani i zuwai a revei n ukuna u nala vi, an u danai eyi utoku u Yakubu u da, kpmam Yakubu vi vangu u Yesu u da.

Korongu da Yahuza korongi tsara u roni atsuvu a atoni a Yesu a kaci ka awenishiki a kaan. Yahuza rono ta atsuvu a Atoni tsara kotsu a toni uwenishike u kaan u ama a nala yi wa. U rono le ta dem atsuvu tsara kotsu a toni dem ahali a cingi a ama a nala yi wa.

Gogo-na dem tsu ta n awenishiki a kaan. A kagita, uza wa wene ta yavu u gan ta a toni ukuna u le. Pini nala, she vu tuwa vu wene ukuna u da bawu u gain u gita vu ucinasa. Tagarada u Yahuza wa zuwa ta uza u takpanasa awenishiki a mayun n awenishiki a kaan.

Ili i'ya i'ari a tagarada u na vi

Idyani (1-2)

Ukangu u upityanangu a kaci ka awenishiki a
kaan (3-23)

Kavasu ka makorishi (24-25)

¹ Mpa Yahuza, uza da wa korongu ukanikorongi u na vi. Mpa kagbashi ka Yesu Kirisiti Kawauwi ka mari kpmam utoku u Yakubu.

Aza da Kashila Tata u isai a rongo a asuvu a uciga u ne, aku Yesu Kawauwi wa kirana n ele, alya ma koronku.

² Asuvayali nā ndishi n shinga n uciga u Kashilā u rongo n aḍa.

Ili i'ya ya gita n aza a unyushi

³ Aje a va aza da ma ciga, mari ma ciga ta n koronku da a kaci ka ukuna u iwauwi i'ya tsari n i'ya gba tsunu. Shegai gogo-na u kana ta n koronku da ili i roku kau. U kana ta n korongu n gbamatangu da asuvu, i siraka ukuna u mayun u Kadyanshi ka Shinga kabetsu. Kuten ka hal ubana Kashila ka nakai ama a ne a da u dangasai ukuna u mayun u da bawu wa savada.

⁴ Kpaci ama da a goroi Kashila a bolomgbono de kaci n ada ukpawunsi. A tsu wenishike ta a dana, "Kashila ka lobono ta, u tsu cimbusuka ta ama unyushi." Nala mayun da, shegai a lyai kapala n uwenishike a danai, "Adama a nala, tsu yansai unyushi u cingi ushani." Kashila ka yawunsa ta tun caupa ili i'ya wa yanka ama a na yi, an u wokoi a 'yuwain uza da wari aya koshi Yesu Kawauwi Ashekapige a tsunu.

⁵ Ma ciga ta dem n cibuga da ukuna u na vi, ko an u wokoi i reve ta n u da. Magono ma Zuba ma wauwa ta ama a ne a uyamba u Masar, shegai an nala u wurai, aku u wunai aza da bawu a wushuki vi.

⁶ N cibuga da kpaḍai u shamgba n ucira u da Kashila ka naka le. A asakai asu u da wari u le, aku Kashila ka sira le n ikani u zuwa le a kuwa ku a'ali a karimbi. Gogo-na kain ka afada ka a ka vana.

⁷ Kotsu i asansa n ilyuci i Sodom n Gomora n ilyuci i'ya i'ari evu evu n ele wa. Gba ilyuci i nala i shadangu ta n tsishankala n tsishankala tsu cingi

tsu kabarikete. Akina a ɗa a lyai ilyuci i nala yi gba, kparam a woko tsu kuɓari a kaci ka akina a ɗa bawu a ka cimɓa a ɗa a ka yan aza a cingi mavura.

⁸ Gba n nala, awenishiki a kaɓan a nala a bidyai ele a'a ta n ucira a asuvu a alavutanshi a le. A nangasai ikyamba i le n tsishinda tsu tsishankala. A goroi tsupige, a yankai ucira u tsupige tsa aza a zuba kadyanshi ka majari.

⁹ Ko katsumate ka zuba ka pige ka a ka isa Mika'ilu u kawan u naka Kalapansi unyushi wa. A'ayin a ɗa wa nanamgbana n Kalapansi a kaci ka ikyamba i Musa, tonuko ɗa u tonukoi Kalapansi, "Magono ma Zuba ma ɓarana vu."

¹⁰ Shegai ama a na yi a tsu yanka ta ukuna u ɗa bawu a revei unā u cingi, a tonuko u ɗa kparam kadyanshi ka gbani. Tyoku u nnama n ɗa a'ari. Shegai a yain ili i'ya uyawunsa u le u tonuko le kabarikete. Nala tani, aku u ronuko le ukpa.

¹¹ Ter le, kpaci a ka tono ta tyoku ɗa Kayinu yain, uza ɗa u wunai vangu u ne. Tyoku u Bala'am, ko ndya a ka yan a tsara ikebe i'ya a ka yan. N tyoku u Kora†* kparam, a ka kuwa ta adama a u'yangasaka u le.

¹² A'ayin a ɗa baci icun i ama a na a tuwa ɗa, tsara a lyai kaɓolo n aɗa a asuvu a uciga u Magono ma Zuba. A tsu woko ta tyoku u ili i icadi i'ya ya

* **1:11** A alabari a Bala'am asuvu a alabari a ɗa a dangasai a Kazuwamgbani ka Cau a Makeci 22:1-23:12, tsu wene ta asu u ɗa Bala'am tonukoi Balaku Magono ili i'ya Kashila ka tonuko yi u dana. Alabari a Bala'am a kotso pini na wa. A'ayin a roku a ɗa pini Bala'am wushai ikebe a asu Balaku asu ɗa u zuwai aza a Isara'ila a lyakai ameli kayala, (Makeci 31:16). Alabari a na yi a'a pini asuvu a alabari a ɗa a dangasai a Kazuwamgbani ka Cau wa.

tuko dā kunangasu a ilikulya yi. N kaci ka le ka koshi a tsu kirana, kpam u tsu tuko le t̄a uwono. Tyoku u ulimā u dā u tsu lapana uwule bawu mini dā a'ari. A'a t̄a kpam tyoku u ndanga n dā bawu n tsu nākā ilimaci a'ayin a uta. Ukpā u de u dā a kuwāi wa, hal gbām kure ka a kuwāi kpaci a mudusa le t̄a a asuvu a alu a le.

¹³ A'a t̄a tyoku u abali a kushivā a dā a tsu vura ashindā a kapufu, a dā a tsu wenike ukuna u uwono u le. A'a t̄a tyoku u atala a dā a ka tamba, nala a'ari a u'uwa a karimbi ka pige ka bawu ka kotso.

¹⁴ Anuhu rongo t̄a hal uyan kushindere cina Adamu kuwā de, pini nala, Anuhu yain kadyanshi ka ili i'ya ya tuwā a kaci ka ama a na yi,
“Wenei, Asheku a dā pini a ka tuwā n atsumate a zuba a ne ushani a dā bawu a ka fudā a ka kece.

¹⁵ Kpam wa yanka t̄a ama a likimba afada.
Pini nala, dā wa wenike aza dā a goroi Kashilā, unyushi u le an a yain ukuna u cingi a asu u dā a 'yangasaka yi.

Wa wenike le t̄a kpam alya aza a unyushi u cingi aza dā bawu a'ari n Kashilā kpam a nusa t̄a an u wokoi a yankai Kashilā kadyanshi ka gbani.”

¹⁶ Ama a na yi alya aza a tsali kpam kain dem she kakpadikukuna. Ukuna u cingi u dā baci u luwa le uyan u dā a tsu yan. A'a t̄a n arādi cika, kpam a reve t̄a uyinsa ama n kadyanshi tsarā a tsarā ili.

Ulya kapala n manyan

¹⁷ Atoku a vā, u gan t̄a i ci6a n ili i'ya asuki a Asheku a tsunu Yesu Kirisiti Kawauwi a tonuko dā.

18 A dana ta, “Ubana a'ayin a makorishi, a ka tsara ta aza da a ka rongo uyansaƙa Kashila magori, aku a cigi a toni ukuna u kaci u le u da bawu Kashila ka ciga.”

19 Kpam gogo-na alya pini, alya kpam a ka pecishe da. A tsu la ta uciga a toni ili i'ya ikyamba i le ya ciga, kpaci a'ari n Kulu Keri ku Kashila a atakasuvu a le wa.

20 Shegai aza a va, lyayi kapala n i gbonguri a asuvu a upityanangu u uwulukpi cika. I lyai kapala n i yanyi kvasu tyoku da Kulu Keri ka tono n ada.

21 Rongoi uma u da wa wenike an Kashila ka ciga da, hal n i vani uma u da bawu wari n utyoku u da Asheku a tsunu Yesu Kawauwi adama a asuvayali a ne wa naka da.

22 Panai asuvayali a aza da a ka yan malaƙa a kaci ka ili i'ya a pityanangi.

23 I wusa aza roku a asuvu a akina a mavura i wauwa le. Aza roku a da kpam pini aza da ya pana asuvayali, shegai i yain n i kirani. Hal aminya a le dem a da unyushi u cingi u le u nangasai kotsu i cigi wa.

Kvasu ka ucikpa

24 Gogo-na i naka Kashila tsupige kpaci aya wa fuda wa kirana n ada bawu ya tadatsa. U peci da n unyushi u cingi, u naka da mazanga cika. Kpam u tuko da a asu u tsupige tsu ne.

25 Tun caupa hal utuwa gogo-na n ubana a makorishi, Kashila Kawauwi ka tsunu ka, adama a Yesu Kawauwi uza da wari Asheku a tsunu. Gba tsupige tsu ta ara ne, gba tsugono tsu ta ara ne, gba ucira wa ta ara ne hal n ucira u afada gba wa ta

ara ne. Kpam nala wari ili i'ya i bidyai gogo-na hal
ubana. Ami.

**Kazuwamgbani ka savu n Tsikimba n a6on a
da a dangasai a kazuwamgbani ka cau
New Testament in Tsikimba (NI:kdl:Tsikimba)**

copyright © 2010 Wycliffe Bible Translators, Inc.

Language: Tsikimba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tsikimba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 18 Apr 2025 from source files
dated 29 Jan 2022

a4f6a28b-3d6d-50b4-a81b-06ae05a66010